



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-277-4/25**

Datum: **29.10.2025. godine**

«Agencija za vodno područje rijeke Save» Sarajevo rješavajući po zahtjevu JKP «VODOSTAN» d.o.o. Ilijaš za donošenje rješenja o vodnoj dozvoli za ispuštanje tehnoloških otpadnih voda iz objekta Postrojenja za pripremu pitke vode izgrađenog na lokalitetu Karašnica a za potrebe snabdijevanja pitkom vodom potrošača na području općine Ilijaš, na osnovu člana 110. stav (3) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

1. Odbija se zahtjev pravnog lica, JKP «VODOSTAN» d.o.o. Ilijaš za donošenje rješenja o vodnoj dozvoli za ispuštanje tehnoloških otpadnih voda iz objekta Postrojenja za pripremu pitke vode (kapacitet 150 l/s) izgrađenog na lokalitetu Karašnica na zemljištu označenom kao k.č. broj: 426, 429/2, 429/3, 429/4, 429/5 K.O. Ilijaš Grad a za potrebe snabdijevanja pitkom vodom potrošača na području općine Ilijaš s obzirom da za predmetnu aktivnost, a u skladu s odredbama člana 110. stav (3) Zakona o vodama, nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovim Rješenjem, korisnik zaštitnih vodnih objekata nije odgovoran za nastale štete.
4. Ovo Rješenje se može izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

JKP «VODOSTAN» d.o.o. Ilijaš obratilo se ovoj Agenciji dana 20.06.2025. godine sa zahtjevom za izdavanje vodne dozvole za ispuštanje tehnoloških otpadnih voda iz objekta Postrojenja za pripremu pitke vode (kapacitet 150 l/s) izgrađenog na lokalitetu Karašnica na zemljištu označenom kao k.č. broj: 426, 429/2, 429/3, 429/4, 429/5 K.O. Ilijaš Grad a za potrebe snabdijevanja pitkom vodom potrošača na području općine Ilijaš.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 065-0-RegZ-25-004101 izdatog dana 28.03.2025. godine od strane Općinskog suda u Sarajevu,
- Ovjerena kopija Uvjerenja o registraciji poreznog obveznika izdatog dana 30.04.2024. godine od strane Porezne uprave Federacije BiH - Kantonalni porezni ured Sarajevo,
- Kopija Rješenja o vodnoj dozvoli za zahvatanje vode iz rijeke Misoče broj: UP-1/21-3-40-001-4/25 izdatog dana 22.05.2025. godine od strane «Agencije za vodno područje rijeke Save» Sarajevo,
- Kopija Rješenja o upotrebi broj: 05/1-23-38/18 za radove na rekonstrukciji filterskog postrojenja Karašnica izgrađenog na zemljištu označenom kao k.č. broj: 429/5 K.O. Ilijaš Grad, općina Ilijaš izdatog dana 27.07.2018. godine od strane Službe za prostorno uređenje i zaštitu okoliša Općina Ilijaš,
- Glavni projekat: Rekonstrukcija filterskog postrojenja «Karašnica» u općini Ilijaš urađen od strane «IBIS» d.o.o. Zavidovići – Tehnološki dio (broj: 07-IB-OV-6/18, decembar 2018. godine) – na uvid,
- Projekat izvedenog stanja: Rekonstrukcija filterskog postrojenja «Karašnica» u općini Ilijaš urađen od strane «IBIS» d.o.o. Zavidovići (broj: 07-IB-OV-6/17, august 2017. godine) – na uvid,

- Kopija Ugovora o odvozu i zbrinjavanju tečnog mulja i otpada zaključenog dana 16.12.2024. godine između JKP «VODOSTAN» d.o.o. Ilijaš i «DELTA PETROL» d.o.o. Kakanj,
- Kopija Transportne dokumentacije za uklanjanje otpada sa Filter stanice (broj: 895/25, 18.06.2025. godine),
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog Postrojenja za pripremu pitke vode na lokalitetu Karašnica, općina Ilijaš i tom prilikom je sačinjen zapisnik o izvršenom uviđaju broj: UP-1/21-3-40-277-3/25 od 19.08.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Za potrebe snabdijevanja vodom potrošača urbanog dijela općine Ilijaš izgrađen je otvoreni vodozahvatni objekat – tirolski zahvat na rijeci Misoči (max 150 l/s). Zahvaćena voda se nakon prolaska kroz pjeskolov i fine rešetke gravitaciono transportuje do pumpne stanice «Misoča» odakle se potisnim cjevovodom DN400 mm transportuje do postrojenja za tretman/pripremu pitke vode a nakon odgovarajućeg tretmana distribuiru u mrežu. Procjenjuje se da se putem ovog vodovodnog sistema vodom snabdijeva oko 17000 potrošača.
- Postrojenje za pripremu pitke vode je rađeno u dvije faze tako da je 1984. godine postojeći kapacitet postrojenja sa dotadašnjih 50 l/s povećan na 150 l/s dogradnjom svih potrebnih objekata — od koagulatora i taložnice do brzih samoispirajućih filtera i uređaja za dezinfekciju. Na lokaciji postrojenja (brdo Karašnica) izgrađen je novi objekat filterskog postrojenja sa ukupno šest brzih filtera kapaciteta 100 l/s i rezervoari pitke vode zapremine 600 m³ i 3000 m³. Na ulazu u postrojenje je instaliran mjerač protoka i kontinuirano se prate određeni fizičko - hemijski parametri (monitoring kvaliteta sirove vode) u cilju urednog vođenja procesa tretmana vode. Dezinfekcija vode na filter stanici «Karašnica» se vrši gasnim hlorom nakon njene filtracije prije nego se ista deponuje u rezervoarske prostore. Redovno se rade mikrobiološka i fizičko-hemijska analiza vode za piće od strane Instituta za zdravlje i sigurnost hrane Zenica.
- Tehnološke otpadne vode nastale pranjem taložnika (dva puta godišnje) se prikupljaju u taložnom oknu izgrađenom u neposrednoj blizini taložnika a nakon taloženja, prečišćena voda se posebnim kanalizacionim sistemom ispušta u kanalizacioni kolektor sa krajnjim ispustom u rijeku Misoču. U isti kolektor se ispuštaju i tehnološke otpadne vode nastale ispiranjem brzih filtera u filter stanici koje se vrši jednom u toku mjeseca. Navedeni kolektor je izgrađen za naselja Misoča, Mlini, Kamenica, Vlaško i Hadžići.
- Preuzimanje mulja/taloga akumuliranog u taložnom oknu se vrši od strane «DELTA PETROL» d.o.o. Kakanj prema posebnom ugovoru.
- U konkretnom slučaju se radi o ispuštanju otpadnih voda u javni kanalizacioni sistem kojim upravlja JKP «VODOSTAN» d.o.o. Ilijaš, te shodno odredbama člana 110. stav 3. Zakona o vodama i člana 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/1, 41/20 i 63/22) nije potrebno izdavanje vodne dozvole za predmetnu aktivnost. Uslove za ispuštanje otpadnih voda iz predmetnog objekta propisat će operator kanalizacionog sistema koji posjeduje Rješenje o vodnoj dozvoli broj: UP-1/21-3-40-278-5/23 za privremeno ispuštanje komunalnih otpadnih voda u otvorene vodotoke (u rijeku Bosnu na 13 lokaliteta, rijeku Stavnju na 3 lokaliteta, rijeku Misoču na 3 lokaliteta i potok Gnionicu na 2 lokaliteta) doneseno dana 04.10.2023. godine od strane «Agencije za vodno područje rijeke Save» Sarajevo.
- U navedenom Rješenju su utvrđeni uslovi pod kojima je isto izdato a koje je operator dužan ispunjavati u toku važenja Rješenja.

Iz naprijed navedenih razloga, a u skladu s članom 110. stav (3) Zakona o vodama i članom 200. stav (1) Zakona o upravnom postupku, riješeno je kao u dispozitivu ovoga Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-277-2/25 od 04.08.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.grad.

Po ovlaštenju
Rukovodilac sektora za izdavanje
vodnih akata



Nihad Pezo
Nihad Pezo, dipl.inž.grad.

Dostaviti:

- JKP «VODOSTAN» d.o.o. Ilijaš
ul Banovac br 1A, 71380 Ilijaš
- ⊕ AVP, ISV – Vodna knjiga
- Sektor 40, arhiva
- Oglasna ploča – AVP Sava